




25-05-2021



Broj: 02-04-21805-40/21
Sarajevo, 20.05.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", broj: 4/04, 29/09 i 18/13) Vlada Kantona Sarajevo, na **24.** sjednici održanoj **20.05.2021.** godine, donijela je

ZAKLJUČAK

1. Utvrđuje se Program mjera za podsticaj zapošljavanja i održavanja više stope zaposlenosti u Kantonu Sarajevo u 2021. godini, koji je sastavni dio ovog zaključka.
2. Za realizaciju Programa iz tačke 1. ovog zaključka zadužuje se Javna ustanova „Služba za zapošljavanje Kantona Sarajevo“ Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo, svako u okviru svoje nadležnosti.


P R E M I J E R

Edin Forto


Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. JU "Služba za zapošljavanje Kantona Sarajevo" Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. Arhiva.





Broj: 02-04-21805-40.1/21
Sarajevo, 20.05.2021. godine



Na osnovu člana 4. stav (1), a u vezi sa članom 9. i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo Vlada Kantona Sarajevo, na **24. sjednici održanoj 20.05.2021.** godine, donijela je

PROGRAM MJERA
za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini

OPŠTE ODREDBE

Član 1.


Programom mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini, (u daljem tekstu: Program), definišu se pojedinačne podsticajne mjere, utvrđuju finansijska sredstva, te kriteriji, ciljevi i rokovi realizacije svake od predviđenih podsticajnih mjeru, način praćenja realizacije svake od predviđenih podsticajnih mjeru, način objavljivanja javnih poziva, praćenje efekata, te druga pitanja od značaja za provođenje Programa.

POJEDINAČNE PODSTICAJNE MJERE

Član 2.

Pojedinačne podsticajne mjeru koje će se realizirati u 2021. godini su:

1. Program sufinansiranja zapošljavanja „Posao za sve“;
2. Program sufinansiranja zapošljavanja „Zlatna značka“;
3. Program obuke, dokvalifikacije i prekvalifikacije nezaposlenih osoba;
4. Program sufinansiranja Javnih radova;
5. Program sufinansiranja zapošljavanja mladih osoba koje su izašle iz sistema javne brige;
6. Program sufinansiranja zapošljavanja šehidskih porodica i porodica poginulih boraca-branitelja;



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



7. Program sufinansiranja samozapošljavanja šehidskih porodica i porodica piginulih boraca-branitelja;
8. Program sufinansiranja zapošljavanja demobilisanih boraca-branitelja u komunalnoj privredi;

FINANSIJSKA SREDSTVA

Član 3.

Finansijska sredstva za realizaciju pojedinačnih podsticajnih mjeru iz člana 2. Programa, obezbeđuje Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba) u iznosu od 4.356.427,00 KM i ista se raspoređuju na pojedinačne podsticajne mjeru na sljedeći način:

1. Program sufinansiranja zapošljavanja „Posao za sve“ – 960.000,00 KM za 200 nezaposlenih osoba;
2. Program sufinansiranja zapošljavanja „Zlatna značka“ – 144.000,00 KM za 15 nezaposlenih osoba iz ciljne kategorije;
3. Program obuke, dokvalifikacije i prekvalifikacije nezaposlenih osoba – 51.585,00 KM;
4. Program sufinansiranja Javnih radova – 506.842,00 KM za 287 nezaposlenih osoba;
5. Program sufinansiranja zapošljavanja mladih osoba koje su izašle iz sistema javne brige – 144.000,00 KM za 15 nezaposlenih osoba iz ciljne kategorije;
6. Program sufinansiranja zapošljavanja šehidskih porodica i porodica piginulih boraca-branitelja – 960.000,00 KM za 100 nezaposlenih osoba iz ciljne kategorije;
7. Program sufinansiranja samozapošljavanja šehidskih porodica i porodica piginulih boraca-branitelja; – 150.000,00 KM za 15 nezaposlenih osoba iz ciljne kategorije;
8. Program sufinansiranja zapošljavanja demobilisanih boraca-branitelja u komunalnoj privredi – 1.440.000,00 KM za 150 nezaposlenih osoba iz ciljne kategorije;

CILJEVI, KRITERIJI I ROKOVI REALIZACIJE PROGRAMA

Član 4.

PROGRAM SUFINANSIRANJA ZAPOŠLJAVANJA „POSAO ZA SVE“

- (1) Program sufinansiranja zapošljavanja „Posao za sve“ (u daljem tekstu: Program „Posao za sve“) realizuje se zapošljavanjem nezaposlenih osoba kod poslodavaca sa većinskim privatnim vlasništvom, a koji su registrovani u Kantonu Sarajevo.
- (2) Cilj Programa „Posao za sve“ je obezbeđenje potrebne kvalifikacione strukture radne snage i kraće trajanje nezaposlenosti.
- (3) U Programu „Posao za sve“ prednost za učešće imaju nezaposlene osobe: članovi porodica šehida/piginulih, umrlih i nestalih branjoca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca piginulih, umrlih i nestalih dobitnika ratnog priznanja i odlikovanja, branilac, demobilizirani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo, civilne žrtve rata, žene, osobe koje su na evidenciji nezaposlenih najmanje 24 mjeseca prije objave javnog poziva, mlade osobe koje su izašle iz sistema javne brige, liječeni ovisnici o psihoaktivnim supstancama, Romi, osobe koje ostvaruju pravo na dječiji dodatak i njihova djeca, lica sa invaliditetom i lica koja ostvaruju pravo na novčanu naknadu za vrijeme čekanja na zaposlenje, samohrani roditelji i njihova djeca, korisnici javnih kuhinja, osobe sa statusom

člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.

(4) Služba će poslodavcima koji budu obuhvaćeni ovim programom, mjesечно, 6 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.

(5) Poslodavci koji žele učestvovati u Programu „Posao za sve“ dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako podnositelj aplikacije nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke o otvorenom glavnom računu poslodavca, sve u orginalu ili ovjerenoj fotokopiji.

(6) U Programu ne mogu učestvovati:

1. Poslodavci koji redovno ne izmiruju obaveze uplate javnih prihoda ne mogu učestvovati u Programu „Posao za sve“, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisnom ugovoru,
2. Poslodavci koji nemaju radnika prijavljenih na penzijsko – invalidsko osiguranje.

(7) Kriteriji za vrednovanje aplikacija su:

1. djelatnost poslodavca: proizvodna i turistička - 4 boda, ostale djelatnosti – 2 boda,
2. poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba – 4 boda;
3. poslodavci sa trenutnim brojem zaposlenih: do 5 osoba – 1 bod, od 6 do 10 osoba – 2 boda, od 11 do 20 osoba – 3 boda i preko 20 osoba – 4 boda,
4. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 2 boda,
5. poslodavci koji su osnovani u 2021.godini - 2 boda, ostali poslodavci - 1 bod,
6. poslodavci koji se prvi put javljaju za učešće u programima sufinansiranja zapošljavanja – 3 boda, ostali poslodavci 1 bod,
7. poslodavci koji će po Programu zaposliti osobe ženskog spola – 2 boda,
8. poslodavci koji će zaposliti osobe navedene u stavu (3) ovog člana – 1 bod.

(8) Kod istog broja bodova prednost se daje poslodavcu koji je prije podnio aplikaciju za učešće u ovom programu.

(9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba,

osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

- (10) Poslodavcu se neće sufinansirati zapošljavanje osoba koje je već zapošljavao, a kojima je prestao radni odnos kod tog poslodavca u posljednjih 12 mjeseci od dana objave javnog poziva za ovaj program.
- (11) Pravo učešća u Programu „Posao za sve“ imaju sve nezaposlene osobe bez obzira na radno iskustvo, dob i stepen stručne spreme, prijavljene na evidenciju nezaposlenih u Kantonu Sarajevo, prije objave javnog poziva za ovaj program i dalje do potpisivanja ugovora o radu sa poslodavcem kojem su odobrena sredstva po ovom programu, te poslodavci sa većinskim privatnim vlasništvom.
- (12) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu „Posao za sve“. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu „Posao za sve“ su prihvачene i eventualne anexe ugovora.
- (13) Ugovorom iz stava (12) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 6 mjeseci, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- (14) Rok za realizaciju Programa „Posao za sve“ je 10 mjeseci od dana potpisivanja pojedinačnih ugovora iz stava (12) ovog člana, uključujući i eventualne anexe ugovora.

Član 5.

PROGRAM SUFINANSIRANJA ZAPOŠLJAVANJA „ZLATNA ZNAČKA“

- (1) Program sufinansiranja zapošljavanja „Zlatna značka“ (u daljem tekstu: Program „Zlatna značka“), realizuje se zapošljavanjem visokoobrazovanih stručnih osoba kod poslodavaca koji kao svoju osnovnu djelatnost obavljaju naučno-nastavni, odnosno umjetničko nastavni ili naučno-istraživački, odnosno istraživačko-razvojni rad, a koje su za obavljanje pomenute djelatnosti registrirane na području Kantona Sarajevo.
- (2) Cilj Programa „Zlatna značka“ je novo zapošljavanje i obezbjeđenje potrebne kvalifikacione strukture radne snage.
- (3) U programu „Zlatna značka“ zapošljavaju se nezaposlene visokoobrazovane osobe koje su dobitnici „Zlatne značke“ na visokoškolskim ustanovama članicama Univerziteta u Sarajevu, prijavljene na evidenciju nezaposlenih u Kantonu Sarajevo, prije objave javnog poziva za Program „Zlatna značka“ i dalje do potpisivanja ugovora o radu sa poslodavcem kojem su odobrena sredstva po ovom programu.
- (4) Programom „Zlatna značka“ će se objaviti dva javna poziva, jedan za poslodavce, a drugi za nezaposlene osobe dobitnike Zlatne značke kako bi Služba po zahtjevima poslodavaca mogla izvršiti posredovanje.
- (5) Služba će poslodavcima koji budu obuhvaćeni ovim programom, mjesečno, u periodu od 12 mjeseci, refundirati sredstva u ukupnom iznosu od 800,00 KM po novouposlenoj osobi

za isplatu plaća i uplatu zakonom propisanih poreza i doprinosa. Svi drugi eventualni troškovi padaju na teret poslodavca.

(6) Poslodavci koji kao svoju osnovnu djelatnost obavljaju naučno-nastavni, odnosno umjetničko nastavni ili naučno-istraživački, odnosno istraživačko-razvojni rad, a žele da učestvuju u Programu „Zlatna značka“ dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako poslodavac nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke o otvorenom glavnem računu poslodavca (ako je poslodavac budžetski korsnik šifra budžetskog korisnika), sve u orginalu ili ovjerenoj fotokopiji.

(7) Poslodavci koji redovno ne izmiruju obaveze uplate javnih prihoda ne mogu učestvovati u Programu „Zlatna značka“, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanim ugovorom, kao ni poslodavci koji nemaju radnika prijavljenih na penzijsko-invalidsko osiguranje.

(8) Kriteriji za vrednovanje aplikacija su:

1. poslodavci koji zaposlenike traže za naučno-istraživački, odnosno istraživačko-razvojni rad – 4 boda,
2. poslodavci koji zaposlenike traže za naučno-nastavni, odnosno umjetničko-nastavni rad – 3 boda,
3. poslodavci koji su bili korisnici Programa „Zlatna značka“ i koji su po isteku perioda sufinansiranja zadržali sve ili dio sufinansiranih osoba – 3 boda,
4. poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje i Služba – 2 boda.

(9) Kod istog broja bodova prednost se daje poslodavcu koji je prije podnio aplikaciju za učešće u ovom programu.

(10) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu „Zlatna značka“. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu „Zlatna značka“ su prihvачene i eventualne anexe ugovora.

(11) Ugovorom iz stava (10) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, obavezu pravdanja pomenutih troškova i dr.

(12) Rok za realizaciju Programa „Zlatna značka“ je 18 mjeseci od dana potpisivanja ugovora iz stava (10) ovog člana, uključujući i eventualne anexe ugovora.

Član 6.

PROGRAM OBUKE, DOKVALIFIKACIJE I PREKVALIFIKACIJE NEZAPOSLENIH OSOBA

- (1) Program obuke, dokvalifikacije i prekvalifikacije nezaposlenih osoba (u daljem tekstu: Program obuke) u saradnji sa Razvojnim programom Ujedinjenih nacija (u daljem tekstu: UNDP), realizuje se obukom, dokvalifikacijom i prekvalifikacijom nezaposlenih osoba sa evidencije nezaposlenih u Kantonu Sarajevo, a koje imaju najviše završen IV stepen obrazovanja.
- (2) U smislu ovog programa:
- Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe i može trajati do 3 mjeseca;
 - Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja i može trajati do 6 mjeseci;
 - Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće i može trajati do 12 mjeseci.
- (3) Obuka, dokvalifikacija i prekvalifikacija isključivo se može vršiti u ustanovama, centrima i drugim organizacijama koje su u skladu sa Zakonom o obrazovanju odraslih u Kantonu Sarajevo („Službene novine Kantona Sarajevo“, broj: 40/15 i 40/20), registrovane i upisane u Registar organizatora obrazovanja odraslih.
- (4) U cilju provođenja ovog programa Služba i UNDP će za nezaposlene osobe po okončanju obuke, dokvalifikacije ili prekvalifikacije i dostavljanju dokaza o završetku istih (certifikata, svjedodžbe ili diplome) i fakture za plaćanje, direktno na račun izvođača obuke uplaćivati sredstva po cjenovniku definisanim u skladu sa članom 62. Zakona o obrazovanju odraslih u Kantonu Sarajevo („Službene novine Kantona Sarajevo“, broj: 40/15 i 40/20).
- (5) Programom obuke će se finansirati obuka, dokvalifikacija i prekvalifikacija nezaposlenih osoba prijavljenih na evidenciju nezaposlenih u Kantonu Sarajevo, isključivo za sljedeća zanimanja: CNC operatere, konobare, kuhare, zavarivače, armirače, zidare, tesare i keramičare.
- (6) Nezaposlene osobe koje žele da učestvuju u ovom programu dužne su podnijeti:
- Aplikaciju za finansiranje/sufinansiranje obuke, dokvalifikacije i prekvalifikacije u roku predviđenim javnim pozivom,
 - Plan i program obuke, dokvalifikacije ili prekvalifikacije ovlaštene ustanove, centra za obuku ili druge organizacije koje su registrovane za ovu vrstu djelatnosti,
 - Predračun troškova izvođača obuke, dokvalifikacije ili prekvalifikacije,
 - Akt o utvrđivanju cijene troškova Programa obrazovanja u skladu sa članom 62. Zakona o obrazovanju odraslih u Kantonu Sarajevo („Službene novine Kantona Sarajevo“, broj: 40/15 i 40/20).

- (7) Odobravanje aplikacija vrši se po visini cijene obuke, dokvalifikacije i prekvalifikacije od najniže prema najvišoj i na osnovu toga utvrđuje se prijedlog liste nezaposlenih osoba za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste nezaposlenih osoba, direktor Službe zaključuje ugovore sa aplikantima čije aplikacije za učešće u Programu su prihvaćene.
- (8) Kod iste cijene obuke, dokvalifikacije i prekvalifikacije, prednost se daje osobi koja je duže vrijeme na evidenciji nezaposlenih u Kantonu Sarajevo.
- (9) Ugovorom iz stava (7) uređuju se prava i obaveze Službe i nezaposlene osobe.
- (10) Rok za realizaciju Programa obuke je 15 mjeseci od dana usvajanja listi iz stava (7) ovog člana.

Član 7.

PROGRAM SUFINANSIRANJA JAVNIH RADOVA

- (1) Program javnih radova (u daljem tekstu: Program) realizuje se angažovanjem na period do dva mjeseca ugroženih kategorija nezaposlenih osoba sa evidencije nezaposlenih Službe, a u svrhu izvršavanja poslova od šireg društvenog interesa.
- (2) U ovom programu prednost za učešće imaju nezaposlene osobe: članovi porodica šehida/ poginulih, umrlih i nestalih branioca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca poginulih, umrlih i nestalih dobitnika ratnog priznanja i odlikovanja, branilac, demobilizirani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo, civilne žrtve rata, te najugroženije kategorije nezaposlenih lica korisnika prava iz oblasti socijalne zaštite i to: roditelji djece sa invaliditetom od najmanje 80 % invaliditeta, žrtve nasilja u porodici, mlade osobe koje su izašle iz sistema javne brige, liječeni ovisnici o psihoaktivnim supstancama, Romi, lica sa invaliditetom, samohrani roditelji, korisnici javnih kuhičkih, kao i osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (3) Nezaposlene osobe iz stava (2) ovog člana, moraju biti prijavljene na evidenciju nezaposlenih Službe, prije objave javnog poziva za Program.
- (4) Neto naknada za angažovanje iznosi 800,00 KM, mjesечно po angažovanoj osobi, odnosno 883,00 KM u mjesечnom bruto iznosu, a svi drugi eventualni troškovi, padaju na teret poslodavca.
- (5) Cilj Programa javnih radova je stimulisanje zapošljavanja teško zaposljivih kategorija nezaposlenih osoba, radnim angažovanjem kroz Program javnih radova.
- (6) Program javnih radova će se izvoditi u oblastima:

1. uređenja okoline, izgradnje i sanacije infrastrukture,
2. socijalne zaštite na području Kantona Sarajevo,
3. kulture, turizma i sajamskih manifestacija.

- (7) Poslodavci koji žele učestvovati u Programu javnih radova, dužni su:

1. podnijeti aplikaciju u roku predviđenom u javnom pozivu,

2. priložiti projekat iz jedne ili više oblasti navedenih u stavu (6) ovog člana, sa preciznim opisom poslova koji će se izvršavati, tačno navedenim brojem i strukturom izvršilaca. U projektu je potrebno navesti i druge podatke bitne za vrednovanje aplikacija, prema kriterijima iz stava (9) ovog člana,
3. uz aplikaciju je potrebno priložiti slijedeće: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa sa listingom o trenutnom broju zaposlenih ne starije od 30 dana od dana objave javnog poziva (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako poslodavac nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke o otvorenem glavnem računu poslodavca (ako je poslodavac budžetski korsnik šifra budžetskog korisnika), sve u originalu ili ovjerenoj fotokopiji.

(8) Poslodavci koji redovno ne izmiruju obaveze uplate javnih prihoda, ne mogu učestvovati u Programu, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac obavezan dostaviti ovjerenu fotokopiju navedenog sporazuma.

(9) Kriteriji za vrednovanje aplikacija su:

- projekti poslodavaca kojima je osnivač općina, Kanton Sarajevo, Federacija Bosne i Hercegovine i Bosna i Hercegovina – 4 boda,
- projekti od značaja za širu društvenu zajednicu u smislu direktne koristi za veći broj lica – 4 boda,
- projekti od značaja za širu društvenu zajednicu u smislu direktne koristi za korisnika krajnje usluge – 2 boda,
- poslodavci sa trenutnim brojem zaposlenih: do 10 osoba – 1 bod, od 11 do 30 osoba – 3 boda, od 31 do 50 osoba – 5 bodova i preko 50 osoba – 7 bodova,
- poslodavaci koji će angažovati nezaposlene osobe iz stava (2) ovog člana – 1 bod.

(10) Vrednovanje aplikacija se vrši u Službi, a na osnovu priložene dokumentacije, u skladu sa kriterijima iz stava (9) ovog člana. Na prijedlog Upravnog odbora Službe ovu listu usvaja Vlada Kantona Sarajevo, a po usvajanju iste direktor Službe zaključuje ugovore sa aplikantima čije aplikacije za učešće u ovom programu su prihvачene.

(11) Ugovorom iz stava (10) ovog člana, uređuju se prava i obaveze Službe i poslodavca, pravo poslodavca na izbor nezaposlene osobe i obavezu zaključivanja ugovora o angažiranju sa nezaposlenom osobom, obavezu isplate naknada i pripadajućih poreza i doprinosa za angažiranu osobu, obavezu pravdanja svih troškova idr.

(12) Rok za realizaciju Programa javnih radova je 6 mjeseci od dana potpisivanja ugovora sa poslodavcem iz stava (10) ovog člana.

Član 8.

PROGRAM SUFINANSIRANJA ZAPOŠLJAVANJA MLADIH OSOBA KOJE SU IZAŠLE IZ SISTEMA JAVNE BRIGE

(1) Program sufinansiranja zapošljavanja mladih osoba koje su izašle iz sistema javne brige (u daljem tekstu: Program), realizuje se zapošljavanjem nezaposlenih osoba koje imaju status

mladih osoba koje su izašle iz sistema javne brige kod poslodavaca sa područja Kantona Sarajevo.

- (2) Cilj Programa je kraće trajanje nezaposlenosti osoba sa statusom bivšeg štićenika doma za nezbrinutu djecu.
- (3) U Programu pravo učešća imaju nezaposlene mlade osobe koje su izašle iz sistema javne brige u institucijama sa područja Kantona Sarajevo, prijavljenih na evidenciju nezaposlenih u Kantonu Sarajevo, prije objave javnog poziva za ovaj program i dalje do potpisivanja ugovora o radu sa poslodavcem kojem su odobrena sredstva po ovom programu.
- (4) Služba će poslodavcima koji budu obuhvaćeni ovim programom, mjesечно, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- (5) Programom će se objaviti dva javna poziva, jedan za poslodavce, a drugi za nezaposlene osobe iz ciljne skupine kako bi Služba po zahtjevima poslodavaca mogla izvršiti posredovanje.

(6) Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako podnositelj aplikacije nije PDV obveznik, dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke o otvorenom glavnom računu poslodavca (ako je poslodavac budžetski korsnik šifra budžetskog korisnika), sve u orginalu ili ovjerenoj fotokopiji.

(7) U Programu ne mogu učestvovati:

1. Poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanim ugovorom,
2. Poslodavci koji nemaju radnika prijavljenih na penzijsko – invalidsko osiguranje.

(8) Kriteriji za vrednovanje aplikacija su:

1. djelatnost poslodavca: proizvodna i turistička - 4 boda, ostale djelatnosti – 2 boda,
1. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
2. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 2 boda,
3. poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba – 4 boda,
4. poslodavci koji su osnovani u 2021.godini - 2 boda, ostali poslodavci - 1 bod,

5. poslodavci sa većinskim privatnim vlasništvom – 4 boda, ostali poslodavci – 1 bod,
6. poslodavci koji se prvi put javljaju za učešće u programima sufinansiranja zapošljavanja – 3 boda, ostali poslodavci 1 bod.

(9) Kod istog broja bodova, prednost se daje poslodavcu koji je prije podnio aplikaciju za učešće u programu iz ovog člana.

(10) Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

(11) Izuzetno, odredbe stava (10) ovog člana, ne odnose se na poslodavce iz javnog sektora.

(12) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvачene i eventualne anexe ugovora.

(13) Ugovorom iz stava (12) uređuju se međusobna prava i obaveze, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa za zaposленu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva, uvećan za broj sufinansiranih pripravnika do isteka perioda sufinansiranja uz gore navedene izuzetke, obavezu pravdanja pomenutih troškova i dr.

(14) Rok za realizaciju Programa je 18 mjeseci od dana potpisivanja ugovora sa poslodavcem iz stava (12) ovog člana, uključujući i eventualne anexe ugovora.

Član 9.

PROGRAMI SUFINANSIRANJA ZAPOŠLJAVANJA ŠEHIDSKIH PORODICA I PORODICA POGINULIH BORACA-BRANITELJA

- (1) Program sufinansiranja zapošljavanja šehidskih porodica i porodica poginulih boraca-branitelja (u daljem tekstu: Program), realizuje se zapošljavanjem nezaposlenih osoba koje imaju status šehidske porodice i porodice poginulih boraca-branitelja kod poslodavaca sa područja Kantona Sarajevo.
- (2) Cilj Programa je kraće trajanje nezaposlenosti osoba sa statusom šehidske porodice i porodice poginulih boraca-branitelja.
- (3) U Programu pravo učešća imaju nezaposlene osobe sa statusom šehidske porodice i porodice poginulih boraca-branitelja (roditelji, bračni partner i djeca), prijavljenih na evidenciju nezaposlenih u Kantonu Sarajevo.
- (4) Služba će poslodavcima koji budu obuhvaćeni ovim programom, mjesечно, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- (5) Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako podnositelj aplikacije nije PDV obveznik, dostavlja izjavu ovjerenu kod nadležnog općinskog organa ili notara da nije PDV obveznik i potvrdu banke o otvorenom glavnem računu poslodavca (ako je poslodavac budžetski korsnik šifra budžetskog korisnika), sve u orginalu ili ovjerenoj fotokopiji.

(6) U Programu ne mogu učestvovati:

1. Poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanim ugovorom,
2. Poslodavci koji nemaju radnika prijavljenih na penzijsko – invalidsko osiguranje.

(7) Kriteriji za vrednovanje aplikacija su:

1. poslodavci sa većinskim privatnim vlasništvom - 2 boda, ostali poslodavci – 1 bod,
2. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
3. poslodavci koji su po navedenom programu zadržali u radnom odnosu sufinansiranu osobu sa statusom šehidske porodice i porodice poginulog borca – 4 boda,
4. poslodavci koji su već koristili sredstva po navedenom programu - 4 boda, ostali poslodavci - 1 bod.

(8) Kod istog broja bodova, prednost se daje poslodavcu koji je već koristio sredstva po navedenom programu.

(9) Poslodavci koji su već koristili sredstva po navedenom programu dužni su zaposliti istu osobu za koju su koristili sredstva, osim u slučaju da je ta osoba zaposlena kod drugog poslodavca, odnosno imaju pravo zaposliti drugu osobu iz ciljne skupine ukoliko su zadržali u radnom odnosu osobu iz ciljne skupine po prethodnom programu.

(10) Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

(11) Izuzetno, odredbe stava (10) ovog člana, ne odnose se na poslodavce iz javnog sektora.

(12) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvачene i eventualne anexe ugovora.

- (13) Ugovorom iz stava (12) uređuju se međusobna prava i obaveze, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva, uvećan za broj sufinansiranih pripravnika do isteka perioda sufinansiranja uz gore navedene izuzetke, obavezu pravdanja pomenutih troškova i dr.
- (14) Rok za realizaciju Programa je 20 mjeseci od dana potpisivanja ugovora sa poslodavcem iz stava (12) ovog člana, uključujući i eventualne anexe ugovora.

Član 10.

PROGRAM SUFINANSIRANJA SAMOZAPOŠLJAVANJA ŠEHIDSKIH PORODICA I PORODICA POGINULIH BORACA-BRANITELJA

- (1) Program sufinansiranja samozapošljavanja šehidskih porodica i porodica poginulih boraca-branitelja (u daljem tekstu: Program), realizuje se njihovim samozapošljavanjem, odnosno pokretanjem samostalne djelatnosti.
- (2) Cilj Programa je kraće trajanje nezaposlenosti nezaposlenih osoba sa statusom šehidske porodice i porodice poginulih boraca-branitelja i stimulisanje njihovog samozapošljavanja.
- (3) Pravo učešća u Programu imaju nezaposlene osobe sa statusom šehidske porodice i porodice poginulih boraca-branitelja (roditelji, bračni partner i djeca), prijavljene na evidenciju nezaposlenih u Kantonu Sarajevo, prije objave javnog poziva za ovaj program, a koje imaju osnovne prepostavke za bavljenje samostalnom djelatnošću u Kantonu Sarajevo.
- (4) Služba će nezaposlenim osobama, koje budu obuhvaćene ovim programom i registruju samostalnu djelatnost, na ime troškova registracije, doznačiti sredstva u iznosu od 400,00 KM, te mjesечно, u trajanju od 12 mjeseci, refundirati sredstva u ukupnom iznosu od 800,00 KM, za isplatu plaća i uplatu zakonom propisanih poreza i doprinosa.
- (5) Programom samozapošljavanja neće se sufinansirati osnivanje udruženja, fondacija i domaće radinosti kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- (6) Nezaposlene osobe koje žele učestvovati u ovom programu dužne su podnijeti:
- aplikaciju na propisanom obrascu sa navedenim osnovnim elementima samozapošljavanja,
 - izjavu ovjerenu kod općinskog organa ili notara, a koja je sastavni dio aplikacije,
 - obveznu formu poslovnog projekta, propisanu od strane Službe,
 - aplikanti koji žele da registruju poljoprivrednu djelatnost dužni su priložiti potvrdu da imaju registrovano poljoprivredno gazdinstvo.
- (7) Kriteriji za vrednovanje aplikacija su:
- aplikanti koji su na evidenciji nezaposlenih:
 - do 12 mjeseci.....1 bod,
 - od 12 do 48 mjeseci.....3 boda,
 - preko 48 mjeseci.....5 bodova.
 - aplikanti koji će registrirati:
 - proizvodnu, turističku ili djelatnost iz IT sektora.....7 bodova,

- proizvodno uslužno zanatstvo i stručne usluge.....5 bodova,
- poljoprivredna djelatnost.....2 boda,
- ostale djelatnosti.....1 bod.
- aplikanti koji će registrirati društvo sa ograničenom odgovornošću.....5 bodova.
- ocjena poslovnog projekta:
 - zadovoljava.....5 bodova,
 - dobra.....7 bodova,
 - odlična.....10 bodova.

KRITERIJI ZA OCJENU POSLOVNIH PROJEKATA APLIKANATA

KRITERIJ 1: INOVATIVNOST IDEJE

- Da li je poslovna ideja inovativna i na koji način? (do 5 bodova) ____
- Da li je opis poslovne ideje dovoljno jasan? (do 5 bodova) ____
- Da li su u opisu identifikovane potrebe kupaca koje se nastoje zadovoljiti poslovnom idejom? (do 5 bodova) ____

KRITERIJ 2: KVALIFIKACIJE

- Kvalifikacije aplikanta (iskustvo, znanje, motiv, stručnost,...) za pokretanje biznisa u navedenoj djelatnosti? (do 15 bodova) ____

KRITERIJ 3: PROIZVOD/USLUGA

- Po čemu će proizvod/usluga biti jedinstven? (do 5 bodova) ____
- Da li su navedene sve najvažnije karakteristike proizvoda/usluge koji će se nuditi na tržištu? (do 3 boda) ____
- Da li je jasna namjena proizvoda/usluge? (do 3 boda) ____
- Postoji li detaljno opisan proces izrade proizvoda/usluge? (do 3 boda) ____
- Da li su svi potrebni resursi za izradu proizvoda/usluge raspoloživi? (do 3 boda) ____
- Ima li proizvod ili usluga štetan uticaj po okolini? (do 3 boda) ____

KRITERIJ 4: TRŽIŠTE

- Postoje li informacije o provedenom istraživanju tržišta? (do 3 boda) ____
- Da li je izvršena segmentacija tržišta i identifikovani ciljni kupci? (do 3 boda) ____
- Koji su trendovi na cilnjom tržištu? (do 3 boda) ____
- Da li je urađena analiza konkurenčije i konkurentskih snaga? (do 3 boda) ____
- Da li su navedene preferencije potencijalnih kupaca? (do 3 boda) ____
- Postoji li plan prodaje proizvoda/usluga i da li je realan? (do 3 boda) ____
- Da li je naveden plan nastupa na tržištu i način upotrebe instrumenata marketinga? (do 7 bodova) ____

KRITERIJ 5: FINANSIJE

- Da li su realno procijenjena sve neophodna ulaganja za početak rada? (do 3 boda) ____
- Da li su ukalkulisani svi troškovi poslovanja za posmatrani period? (do 3 boda) ____
- Da li su prihodi realno procijenjeni? (do 3 boda) ____
- Ocjena profitabilnosti i likvidnosti (do 3 boda) ____
- Mogućnost da aplikant obezbijedi neophodna sredstva za početak rada (do 3 boda) ____

KRITERIJ 6: ORGANIZACIJA POSLOVANJA I ANALIZA RIZIKA

- Da li su jasna zaduženja aplikanta i utvrđeni rokovi za izvršenje planiranih zadataka? (do 5 bodova) ____
- Da li su navedeni najznačajniji kritični faktori za pokretanje biznisa te načini za njihovo

prevazilaženje (do 5 bodova) _____

Obrazac za ocjenu poslovnog Projekta:
IME I PREZIME APLIKANTA

POSLOVNA IDEJA:	Maksimum bodova 100	Dobveni bodovi
-----------------	---------------------------	-------------------

1. INOVATIVNOST IDEJE	15	
2. KVALIFIKACIJE APLIKANTA	15	
3. PROIZVOD/USLUGA	20	
4. TRŽIŠTE	25	
5. FINANSIJE	15	
6. ORGANIZACIJA POSLOVANJA I PROCJENA RIZIKA	10	

UKUPNO REZULTAT:	100	
------------------	-----	--

Poslovni plan do 50 bodova ocjenjuje se konačnom ocjenom – ZADOVOLJAVA

Poslovni plan od 51 do 80 bodova ocjenjuje se konačnom ocjenom – DOBAR

Poslovni plan preko 81 boda ocjenjuje se konačnom ocjenom – ODLIČAN

KONAČNA OCJENA: _____

- (8) Kod istog broja bodova, prednost se daje aplikantu koji je duže vrijeme na evidenciji nezaposlenih.
- (9) Aplikacije iz prethodnog stava se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu samozapošljavanja. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu samozapošljavanja su prihvачene.
- (10) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.
- (11) Rok za realizaciju Programa samozapošljavanja je 18 mjeseci od dana usvajanja listi iz stava (9) ovog člana.

Član 11.

PROGRAM SUFINANSIRANJA ZAPOŠLJAVANJA DEMOBILISANIH BORACA-BRANITELJA U KOMUNALNOJ PRIVREDI

- (1) Program sufinansiranja zapošljavanja demobilisanih boraca-branitelja (u daljem tekstu: Program) realizuje se zapošljavanjem nezaposlenih demobilisanih boraca-branitelja u javna komunalna preduzeća sa područja Kantona Sarajevo.
- (2) Cilj Programa je kraće trajanje nezaposlenosti demobilisanih boraca-branitelja i obezbjeđenje kvalifikacione strukture radne snage.
- (3) U Programu pravo učešća imaju nezaposleni demobilisani borci-branitelji, prijavljeni na evidenciju nezaposlenih u Kantonu Sarajevo prije objave javnog poziva za ovaj program i dalje do potpisivanja ugovora o radu sa poslodavcem kojem su odobrena sredstva po ovom programu , te javna komunalna preduzeća sa područja Kantona Sarajevo (u daljem tekstu: Preduzeća).
- (4) Služba će Preduzećima koja budu obuhvaćena Programom, mjesечно, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- (5) Preduzeća koja žele da učestvuju u Programu dužna su:
 1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik ne starije od 30 dana od dana objave javnog poziva (izdat od strane Uprave za indirektno oporezivanje Bosne i Hercegovine), a ako podnositelj aplikacije nije PDV obveznik, dostavlja izjavu ovjerenu kod nadležnog općinskog organa ili notara da nije PDV obveznik, pravilnik o radu sa organizacijskom šemom sa naznakom radnih mjesta za koja će se zaključiti ugovor o radu i potvrdu banke o otvorenom glavnom računu poslodavca (šifru budžetskog korisnika ukoliko je Preduzeće budžetski korisnik), sve u orginalu ili ovjerenoj fotokopiji.
- (6) Na osnovu upražnjenih radnih mjesta u preduzećima Služba utvrđuje prijedlog liste Preduzeća za učešće u Programu. Na prijedlog Upravnog odbora Službe, listu Preduzeća sa brojem odobrenih radnika usvaja Vlada Kantona Sarajevo. Nakon što Vlada Kantona Sarajevo usvoji predloženu listu, direktor Službe zaključuje ugovore sa aplikantima.
- (7) Ugovorom iz stava (6) ovog člana uređuju se prava i obaveze Službe i Preduzeća, pravo Preduzeća za izbor nezaposlene osobe, te obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu.
- (8) Rok za realizaciju Programa je 18 mjeseci od dana potpisivanja pojedinačnih ugovora iz stava (6) ovog člana, uključujući i eventualne anexe ugovora.

PRAĆENJE REALIZACIJE PROGRAMA

Član 12.

- (1) Realizacija Programa mjera je u nadležnosti Službe u skladu sa članom 7. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13).
- (2) Monitoring i evaluacija pojedinačnih podsticajnih mjera navedenih u ovom programu, vršit će se u skladu sa odlukom Ministarstva za rad, socijalnu politiku, raseljena lica i izbjeglice Kantona Sarajevo.
- (3) Vlada Kantona Sarajevo, nadležna je da:
 1. usvaja liste poslodavaca/nezaposlenih osoba koji ispunjavaju uslove za učešće u pojedinačnim podsticajnim mjerama ovog Programa,
 2. usvaja liste poslodavaca/nezaposlenih osoba koji ne ispunjavaju uslove za učešće u pojedinačnim podsticajnim mjerama ovog Programa,
 3. vrši izmjenu i dopunu listi poslodavaca/nezaposlenih osoba ukoliko poslodavac/nezaposlena osoba odustane od učešća u ovom programu na osnovu čega će se potpisivati anexi ugovora,
 4. odobrava uključivanje poslodavaca/nezaposlenih osoba u realizaciju ovog programa koji su sljedeći na listi poslodavaca/nezaposlenih osoba koji će realizirati program ukoliko prethodni sa liste odustane.

- (4) Upravni odbor Službe, nadležan je za razmatranje prigovora.

OSTALE ODREDBE

Član 13.

Rok za podnošenje prigovora je 8 dana od dana objavljivanja rezultata javnih poziva na web stranici Službe.

Član 14.

Služba će u roku od 15 dana od dana utvrđivanja ovog Programa, za pojedinačne podsticajne mjeru, objaviti javne pozive za učestvovanje u realizaciji Programa, najmanje u jednom dnevnom listu koji izlazi u Kantonu Sarajevo i na web stranici Službe.

Član 15.

U slučaju da se ne utroše novčana sredstva namijenjena za realizaciju određene podsticajne mjeru, Služba će ponoviti javni poziv u skladu sa Programom, za tu podsticajnu mjeru ili preusmjeriti sredstva na druge programe.

Član 16.

O efektima realizacije ovog programa, Služba će izvještavati osnivača putem godišnjih izvještaja o radu.

Član 17.

Rezultati javnih poziva objavljivat će se na web stranici Službe, a uz primjenu Zakona o zaštiti ličnih podataka (Službeni glasnik BiH“, br.49/06,76/11 i 89/11).

Član 18.

Ovaj program će se primjenjivati narednog dana od dana utvrđivanja od strane Vlade Kantona Sarajevo.



Dostavljeno:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo
(putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.

